







1033

776596

Het Testament

vande Oorloghe.

Het Testament van de Oorloghe
wort hier vertekt,
Deur Selden tijdt, zonder strijdt,
In Baladen ghestelt.



Ghedrukt int Jaer ons Heeren Dups
sent ses hondert ende seven,

PFut

1410 a

Het Testament van der Oorloghe/ die
langhen tijdt gheregneert heeft in
onse Nederlanden.

I.

Ick Oorloghe mach my nu beclaghen//wel
Van grooter siekten die my brengh in noot
Want ick ben int eynde van mijne dagen// snel
Subijt moet ick eynden sonder vertragen// sel
Want de ure naecht nu van mijnen doot/
Maer eer ick vertrecke deur s'doots exploot
(En nochtans int Nederlandt) so groot was bekēt
Soo wil ick achter laten voer kleyn en groot
Eck int bysondere een Testament.

ij.

Indien ick de doot nu mach ontgaen
Soo sal ick my tot practijcken heeren
Om d'Oorloghe noch stercker t'houden staen
Deur Mars Discipulen naer mijn vermaen
En de sulcke meerder quaet gaen leeren/
Ick sal daer in boeden Princen en Heeren/
So dat ick weder sal triumpheren
En brenghen alle Landen in verseeren
Iae veel meer als vooren sal icht al ruineren.

ij.

Eerst laet ick sommighe Potentaten
Die menich mensche hebben ten eynde ghebocht
Deur mijn tyrannie groot boven maten/
Veel goets en schats tot haerder baten/
Die my hebben ghedient als wel bedocht/
En meer t'ghelt dan d'Oorloghe hebben gesocht
Nochtans ontcomen zijn s'doots dangieren/
Al zünser met valsche teerlinghen aen gherocht
Datse van nu voort aen hun beter regieren.

Nu

lij.

Nu laet ick vooz de quade tyzannen
Die deur my hebben gedaen veel quaet/ (mannē
Op't deckfel van Dozloge/vrouwen/kinderen en
Ghedoot/berooft/dat sy sullen zyn verbannen/
Versteken als Cains moordadigh zaet
Sy sullen zyn sonder troost ofte raet
Gheplaecht met siekten vol van confusien/
Teghenspoet/tribulatie/ in een sobere staet/
En ten eynden gegeten zyn vande Lupsen.

v.

Voorts laet ick alle Campioenen vailliant/
Lof/prijs en eere tot allen stonden
Om dat sy haren Heere aen elcken kant
Hebben helpen beschermen haer Waderlant/
En in hunnen dienst hebben geweest bevonden
Recht veerdich/getrouwe/niet valsche vā grondē/
Niet wzeet/tyzannich/maer vol goede seden
Dies moetmen haer altyts lof vermonden
En wenschen hun d'eeuwighe salicheden.

vj.

Nen alle Gheestelijcke goede personen
Laet ick oock vooz een Testament
Niet seer veel goets tot haer verschoonen/
Alsoo sy noch ter tijt wel souden thoonen
Kloosters ghebroken/en Kercken gheschent/
Kelders sonder Wijn/t'is elck bekent/
Solders sonder Graen/Ovens sonder Pastepen
Beschaemde Prelaten/een byster Convent/
So datse som sitten in dzo. sjepts vallepen.

vij.

Noch laet ick aen alle groote steden
Veel lasten van Imposten en Erpsen/
Al ist datse langhe hebben ghebeden
Om in Papse te sitten en in vreden/

Soo sullen sy behouden niet weert om pynsen
Haer mueren gheraseert/ soo men kan bewijzen
Haer Thozens ontdeckt tot haer bederven/
Veel zijnder ghedaelt die meynden te rijzen/
Veel Hupsen verandert in Hoben en Erben.

viij.

Voorts laet ick aen de platte Landouwen
Ghebroken Casteelen en verbrande Hupsen/
De menichte moghen hun hoost wel krouwen
Die deur my zijn ghecomen in benouwen/
Oock laet icker ghebroken Spusen en Slupsen
Creupel en lamme mensche/deur mijn abupsen/
Cooplieden vermoort en ghebrocht t'ondere/
Vrouwen gheschoffiert/en veel meer missupsen
Die te lang zijn om verhalen hier in't bysondere.

ix.

Oock laet ick vooz die met bechten en kype
En met finessen hebben vergaert veel goet/
Den gheenen die vooz een V een X schrijven/
Vergaderende alsoo goude en Silbere schypen
Suppende daer deur der armen bloet/
Financhiers/ Woekeraers/die hier met spoet
T'goet hebben vercreghen deur gierichepts aert
Dat weder van haer vertrecken moet
En wederom vooz den Dupbel vaert.

x.

Ghy Schypbers u moet ic ooc zijn gedachtich
Want ghy onder mijn Bende wort ghetelt
Ghedencht hoe ghy in vooz-leden tijt onachtich
Moest bliven by u Vendel op Schans oft Velt
Niet wandelende achter die straten
Als Gentenieren oft Cooplieden met spoet/
Ick doot zijnde wordet ghy verlaten
Ghedencht mijnder tijt u vernielt

Ver

Versint/ ghy wint nu gemakelijck Heerē gelt.

xj.

Aen Conducteurs/ en Werck-meesters mede/
Schipper/ Hoef-smeden/ Matroosen excellent
Om het Legher te volghen/maechte ghy u rede
Daerom moet ick u ooc stellē in mijn Testament/
En raden dat ghy u tot wercken went
Eer dat ghy van Pover dapper wert gebeten/
Want de saken loopē met my (soo't schijnt) tē ent/
Deur dien my van veelen quaet wert verweten/
Doch ick sal u misschien noch wilcom heeten.

xij.

(faler)

Wapē-makers/ Spooz-makers/en ooc sonder
Sadelmakers/ Cremers/makers van Buscrup
Die moet ick haer Testament verhalen
Op dat ickse oock als andere mach betalen/
Die moeten al na de Haven van sinte Keyn-ups
Al hebben sy naer haer besluyt/
Veel ghelt en goet aen mijn Volck ghewonnen
Iae dickmael mede ghedeelt vanden buyt/
Die sullen nu smeltē als de sneeu vander Sonne.

xij.

Noch laet ick aen alle leeghe Weerden
Die mijn Volck hebben ghelogiert
En hun om goet chiere te maken aenbeerden/
Om groote winninge so sy begheerden
En hebben hun Koffers met schat verciert/
Dat sy upt-ghestrecken zyn en bestiert
Soo met schoone woorden als oock met ghewele
En hoe sy hun doort hebben gheregiert/
Dat sy zyn Heere van Wyster-belt.

xij.

Ghy Meulders die amunitie hebt ghemaelt/
En't Cozen vermanghelt om u eyghen profijt/
Siet toe eer ghy dat met u siele betaelt/

En

En alsoo in d'ongherechticheyt dwaelt/
Wilt u bekeeren 'tis meer dan tijt/
Al ist dat ghy daer deur gheprosperceert zijt/
En daer mede nu leeft in vzeuchden
Eer langhe daghen wordt ghy't al quijt/
Onrechtveerdigh goet en doet niemant deuchdē.

ru.

Hoort noch ghy Backers hier overlupt/
Ghy moet mede gherekent zijn inde Bende/
Dits u Testament booz mijn beslupt/
Om dat ghy in't backē van Broot en Beschupt/
V niet recht en hebt ghequeten als den bekende
Ghy sult van armoede noch in't ende
Niet weten wat doen deur sulcx bestieren
Van vā beroptheyt noch bedelē als arme blende
Oft comen inde Gilde vande Bancquerottieren.

rvj.

Ghy Brouwers die niet en hebt ghemist/
V Bier te lenghen/en seer te dinnen/
En op ghetont met Ghyle en Ghist/
Denckende 't wort gedroncken en upt ghepist/
Om schat en goet daer deur te winnen/
Dits u Testament/stellet in u sinnen/
Want hier teghen en is gheen beweeringhe/
Leert v knechten naepē en u jongwijs spinnen
Want ghy sult langhe sitten met sober neeringe.

rvij.

Ghy loose Soetelaers die met spijs en drank
Mijn ho gherighen kuyckeer placht te voeden
Bidt vyz booz my/ick ben ten doot toe kranck/
Want soo ick sterf/meught ghy wel eer lanck/
V nae Couwer herberghe spoeden/
Wien sult ghy dan meer konnen vergoeden
V strinckenden visch/kranck hier en grof bzoot/
Dus maeck ick u upt mede-lyden groot

Gen

Een mande/om u arm leven te behoeden.

xviii.

Veel oude Soldatē/vermincte Krjgs-knechtē
Die blyven ooc van mijn Testamēt deelachtich
Dats magherlijck eten/naer mijn berechten
Men salse casseren/daer en wort niet te vechten/
Dus meughen zy wel wesen klachtich/ (tich/
Voorts sullen som zyn bebondē/ 'tbljct warachē
Armeloos/handeloos en beendoloos mede/
Dies wylse ick de sulcke te samen eendrachtich
Te gaen loopen bedelen van stede tot stede.

xix.

Guyters jonghers en snoo Tros-boeven
Kakers en Mortepapen/iny oock beschrept
Ghy pleeght door iny niets te behoeven
Mijn doot mach u wel te recht bedoeven
Het Hups van Selden-sat is u berept
En soo ghy niet van uwe qua pertenschept
Een Tucht-hups/Galep/Koech oft Galghe
Uwen hals en kromme handen verbept
Ghy vult voortaan niet meer soo uwen balghe.

xx.

Ghy vuple op-ghepronckte Doeren stout/
Die soo weelderigh onder iny hebt gheseten
En door u oneerbaerhept / so menigh herte benout
Ja gheschent/ van u vuplichept zyn op gegeten/
Bekeert u in tijts eert wordt te spade
Aenbeert de deucht wilt eerbaerhept leeren
Neemt waer den tijt der ghenade
Wilt met Magdalena tot Christus keeren.
V sonden beschrept aen de voeten des Heeren.

xxi.

Du laet ick aen alle Beuls hier naer
Een hondert schoone vergulde Bzoeken/
Verbult met lupsen hier en daer/

Meer

Meer met dreck vergult dan met goude klaer
Want seer vele in alle hoeken
Salmen den straet-schenders moeten soecken
Die upt sullen zijn om rooven en vanghen/
Maer haer Eynde-veers staet in-de Rechters
Boeken/
Datse vanden Beul sullen worden ghehanghen.

Conclusie.

Nu wilt my al te samen bedancken
Van mijn Testament als nu ghemaect/
Ick beginne van ure tot ure te krancken/
Ick valle in gronde ghelijck den mancken
Die sonder krichen ter neder gheraect/
Daeromme ghy menschen nu bidt en waect/
Ick neme oorlof/want ick moet sterben/
En tot Godt in Liefden vierich blaect/
Op dat ghy een salige Peps meucht verwerben.

Selden tijdt, sonder strijdt.

KONINKLIJKE
BIBLIOTHEEK

26
26a



